

Balinese - Dotang Cakepan Sucine - Lust Scriptures

Pararudan 15:9 Baos ipun imeseh: ‘Gelahe lakar nguber ia tur ngejuk ia.

Gelahe lakar ngrampas saluiring pagelahannyane tur ngedum kasugihannyane. Gelahe ngaud pedang, tur nyempal ia kanti nyag.’

Pararudan 18:21 Nanging sajaba ento cening patut nyelik makudang-kudang anak muani, ane wicaksana tur ane subakti teken Ida Sang Hyang Widi Wasa, ane jujur muah anak ane tusing kuduan teken arta brana. Anake ento patut kadegang dadi pamimpin anak panyiuan, panyatusan, panyeketan muah panasaan.

Pararudan 20:14 Edaja kita mamitra.

Pararudan 20:17 Edaja kita ngedotang umah anak lenan, edaja kita ngedotang kurenan anak len, panjakne muah saminne wiadin keledaene muah saluiring ane dadi pagelahannyane.”

Cacah Jiwa 11:4 Sajeroning pangumbaran wong Israele punika, wenten taler makudang-kudang wong sunantara sane nyarengin ipun. Jadmane punika meled pisan nunas ulam samaliha wong Israele taler ngawitin wenten sane makeengan. Sapuniki baos ipune: “Beh, ambate melahne yen iraga maan be!

Pangeling-eling 5:21 Edaja ngedotang kurenan anak len, edaja ngedotang umahnyane, tanahne, panjakne, ingon-ingonne, keledaenne wiadin barang ane lenan ane dadi pagelahannyane.’

Pangeling-eling 12:20 Yening Ida Sang Hyang Widi Wasa, Widin semetone nglinggahang wewidangan semetone sakadi sane sampun janjiang Ida, semeton dados ngajeng daging, manut seneng pakayunan semetone.

Pangeling-eling 22:22 Yening wenten anak lanang katangehan matemu semara ngajak anak iuh kurenan anak lianan, ipun makakalih patut kapademang. Malantaran cara sane kadi asapunika semeton patut nyirnayang kajaatan punika.

Yosua 7:21 Ring pantaran barang-barang jejarahane punika, wenten panggihin tiang jubah sane becik pakaryan wong Babele miwah perak wenten sawatara kalih kilogram, miwah mas akatih sane mabaat wenten tengah kilo. Tiang edot pisan ring barang-barange punika mawinan rariss ambil tiang. Barang-barange punika engkebang tiang ring tanahe ring kemah tiange tur perake genahang tiang pinih sor.”

Kidung 10:3 Jadmane dursila punika nyumbungang pepinehipune sane jaat. Jadmane sane momo nemah tur nulak Ida Sang Hyang Widi Wasa.

Kidung 78:18 Ipun nyelapang mintonin Ida Sang Hyang Widi Wasa, malantaran ipun nunas pangan kinum sane dotang ipun.

Kidung 78:30 Nanging ipun durung taler lega ring sane dotang ipun.

- Yadiastun ipun sedek madaar,**
Kidung 81:12 Ento awanane Ulun nepinin ia nyalanang kenehne ane bengkung, muah nglaksanayang sapakitannyane.
- Kidung 106:14 Ring tegal melakange ipun pada kaliput antuk indriannyane, sarwi mintonin Ida Sang Hyang Widi Wasa.**
- Kidung 119:36 Icenja titiang manah sane meled buat ninutin pidab dab Palungguh IRatune, langkungan ring meled molih kasugihan.**
- Pitutur 1:19 Unduk nyalanang kadursilan, setata ngepet patin jadmane dursila. Unduke ene lakar nibenin asing-asing anak ane nyalanang kawirosan.**
- Pitutur 6:25 Eda cening kagoda baan kajegegannyane, eda cening kena jeet ulihan sledetan matannyane.**
- Pitutur 15:27 Yening cening makeneh ngalih bat iji pekel, cening lakar ngawanang kulawargan ceninge nemu kakewehan. Edaja cening nampi suap apanga dawan an tuuh ceninge.**
- Pitutur 21:25,26 Anake ane mayus ane tusing nyak magarapan, ia ngamatiang awakne padidi. 26 Geginannyane tuah ngeneh-ngenehang apa ane dotanga. Anake ane patut nyidayang makidihang, tur tan mari makidihang.**
- Pitutur 28:16 Pamrentah ane tusing ngelah pangresepan lakar dadi pamrentah ane nyapa kadi aku. Anake ane tusing demen mamekel lakar mrentah salawas-lawasne.**
- Yesaya 56:11 Ia waluya buka cicinge ane loba ane setata kuangan amah. Pamimpine ane buka keto tusing ngelah pangresepan. Ia suang-suang pada nyalanang keneh, tur ngalih kuntungan buat dewekne dogen.**
- Yesaya 57:17 Ulun suba duka teken ia uli krana dosa muah lobannyane, buina Ulun suba ngukum ia tur ngutang ia. Nanging ia tansah bengkung tur tansah majalan nuut rurungne padidi.**
- Yeremia 6:13 Ia ajaka makejang cerik kelih ngulahang ngalih pipis aji mamekel, yadian ia ento nabi wiadin pandita patuh melog-melog rakyat.**
- Yeremia 22:17 Nanging idewa wantah mrasidayang nyingakin sane dados kabuatan idewane ngraga. Idewa ngamademang anake sane tan padosa, tur antuk kakerasan idewa nindes rakyat idewane. Ida Sang Hyang Widi Wasa sane sampun masabda kadi asapunika.**
- Yeremia 51:13 Jagate puniki akeh madue tukad tur arta branannyane maliah-liah, nanging sane mangkin masanipun sampun lintang, tur wates uripnyane sampun puput.**
- Yeheskiel 6:9 Ditu ia lakar inget teken Ulun tur nawang mungguing Ulun ene suba nyisipang muah ngaenang ia kimud, sawireh ia suba ngutang Ulun, baana ia tusing pracaya teken Ulun, buina ia demenan teken arca-arcane bandinggang teken Ulun. Ia lakar seneb teken dewekne padidi malantaran laksanannyane ane corah muah nista.**

Yeheskiel 14:4,5 Ane jani ngraosja teken ia, tur orahang teken ia, sabdan Ida Sang Hyang Widi Wasa Sang Maha Luur ane katiba teken ia, kene: Sakancan wong Israele ane suba nyerahang keneh teken arca-arcane, tur baanga dewekne dandana baan arcane ento buat ngae dosa, laut teka matakon teken nabine, ia lakar maan pasaut uli Ulun, nah ento pasaut ane suba kapastiang buat arca-arcannya ane liu ento. 5 Sakancan arca-arcane ento suba ngranayang wong Israele pada tungkas teken Ulun, nanging majalaran uli pasaut Ulune ene, Ulun ngajap-ajap ia apang ia buin mabalik astiti bakti teken Ulun.

Yeheskiel 22:12 Ada makudang-kudang di pantaran rakyat ibane nanggap upah amati-mati. Ada ane mutranang pipis marep teken sesamannya wong Israel muah nyugihang dewek malantaran ngae pocol marep teken anake ento. Ia suba pada engsap teken Ulun." Sapuniha sabdan Ida Sang Hyang Widi Wasa Sane Maha Luur.

Yeheskiel 33:31 Ditu kaulan Ulune pada pagrunyung buat madingehang sabda ane patut warahang kita, nangingke ia tusing nglaksanayang unduk ane tunden kita ia nyalanang. Ia nampi munyin kitane satmaka buka gendinge ane aluh, tur ia nglanturang tingkahne ane loba angkara.

Hosea 4:12 Ia nunas pawisik teken kayune atugel. Tungkede nuturang teken ia apa ane dot tawanga! Ia suba nilar Ulun. Buka anake iuh ane nyundel ia suba nyerahang dewekne teken widi-widi ane lenan.

Hosea 5:4 Kajaatan sane sampun laksanayanga antuk rakyate nyadelin ipun mawali ring ayun Widinipune. Indik nyungsung arca-arcane punika sampun nangkeb manahipune, tur ipun sampun tan nyak ngangkenin Ida Sang Hyang Widi Wasa. 5Kasumbungan rakyat Israele sampun makuug nglawan ipun. Dosannya ngranayang ipun katanjung tur labuh, tur rakyat Yehudane taler labuh sareng ipun.

Mika 2:2 Yening ipun mamanah maderbe tegal, ipun ngrampas tegal anak tios. Yening ipun mamanah maderbe umah, ipun ngambil umah anak tiosan. Nenten wenten kulawarga wiadin paderbean sane aman.

Nahum 3:4 Kota Niniwe, sundele punika mangkin kasisipang. Ipu jegeg pisan tur nganggen pangiwa. Ipu ngawinang bangsa-bangsane pada kasemaran, rarisi bangsa punika kapanjakang.

Habakuk 2:9 Kita suba kena temah! Kita suba ngranayang kulawargan kitane sugih aji barang-barang ane juang kita baan kawirosan, buina kita suba ngibehang apanga umah kitane aman muah tusing kena baya.

Matius 5:28 Nanging Guru nuturin cening: Sawatek anake ane nganengneng anak iuh kanti ia makeneh teken anake iuh ento, sujatinne di kenehne ia suba mamitra ngajak anake iuh ento.

Markus 4:19 nanging ia kaliput baan kawiryan idupe muah kasugihan jagate, buina tetagihan indriane ane lenan pada ngalahang sabdane ento, kanti tuara nyidayang mabuah.

Markus 7:22 mamitra, loba, corah, demen melog-melog, ngulurin indria, iri ati, nganistayang Widi, angkara muah belog punggung.

Lukas 3:14 Wenten malih makudang-kudang prajurit matur pitaken ring dane: "Sakadi titiang, punapike sane patut margiang titiang?" Dane raris ngandika ring ipun: "Yen buat ragane, edaja ngrampas wiadin maksi nyuang gelah anak. Kanggoangja gajihe dogen!"

Lukas 12:15 Sapanglanturipun, Ida ngandika ring anake akeh, sapuniki: "Pada yatna miwah pada tangarja ragane marep ring sakancan manuhe sane loba, santukan urip jadmane boyaja gumantung ring kasugihanipune, yadiastun ipun sugih maliah."

Lukas 16:14 Saluiring pangandikan Idane punika kapiragi antuk paragolongan Parisine, tur dane pada ngadesemin Ida, santukan dane sami kuduan ring jinah.

Yohanes 8:44 Bapan ragane tuah mula Ratun Setane tur ragane tansah mabudi nglaksanayang paundukan ane manut teken sakita keneh bapan ragane ento! Uli pangawit mula gegaenne ngamatiang anak. Ia tusing demen teken kasujatian sawireh ia mula musuh kasujatian. Yening ia mogbog, ento mula tuah agolne buka keto, sawireh ia mula pamobab, inan sakancan bogboge.

Pamargin Parautusan 20:33 Tiang tan naenin ngedotang perak wiadin mas wiadin pangangge saking anak lian.

Roma 1:24-29 Santukan kadi asapunika nambet manusane, Ida Sang Hyang Widi Wasa manggayang ipun nglaksanayang paindikan-paindikan sane nista tur cemer satinut ring pakitanipune niri, samaliha ipun nglaksanayang paindikan sane ngawinang kimud. 25 Santukan ipun sampun ngentosin kasujatian Ida Sang Hyang Widi Wasa antuk paindikan sane tan sujati; tur ipun mabakti saha nyumbah saluiring sane kakardi antuk Ida Sang Hyang Widi Wasa, tur lali ring Ida Sang Hyang Widi Wasa sane ngardi ipun, sane patut kapuji salami-laminipun. Amin. 26 Punika awinan Ida Sang Hyang Widi Wasa manggayang manusane ngulurin indria sane cemer. Anake eluh-eluh pada ngesehin cara patemuan semara sane biasa, antuk cara sane tan biasa. 27 Kadi asapunika taler anake muani-muani, sampun tan malih ngamargiang patemuan semara ring parasomahnyane, nanging pada saling kasemaran ring paratimpalnyane muani, kantos ipun nglakonin paindikan sane cemer paturu muani. Punika awinan, ipun raris pada nampi pasisip pabuat pamarginipune sane murang laku punika. 28 Santukan manusane tan nyak ngangkenin miwah pracaya ring Ida Sang Hyang Widi Wasa, punika awinan Ida Sang Hyang Widi Wasa manggayang ipun kaliput antuk pepineh-pepineh sane corah. Kantos ipun nglakonin paindikan-paindikan sane tan patut. 29 Manahipun kabekin antuk kawirosan, kajaatan, loba angkara miwah kacemeran, iri ati, mamati-mati, maiegan, ngrincikang

pangindrajala miwah geting ring anak lian.

Roma 6:12 Duaning punika, dosa tan patut malih ngreh sikian semetone sane sekala puniki, mangda semeton sampunang malih ninutin sapakitannyane.

Roma 7:7 Yening kadi asapunika, napike sane patut baosang malih? Punapike Pidabdab Torate punika dosa? Sampun janten nenten. Nanging sujatinipun Pidabdab Torate punika ngawinang iraga uning ring dosa. Santukan tiang taler tan uning napi sane kawastanin loba, yening tan kakecap ring Pidabdab Torate kadi asapuniki: "Edaja loba."

Roma 13:9 Mungguing pituduh indik: Edaja mamiltra, edaja ngamatiang jalma, edaja nglobaang gelah anak miwah pituduhe sane lianan, punika sami sampun katunggalang dados asiki, kadi asapuniki: "Tresninja sesaman kitane buka nresnain dewek kitane niri."

Roma 13:14 Nanging agemja sanjatan Ida Sang Hyang Yesus Kristus tur wusanja nuukin sapakitan semetone sane dosa, buat ngulurin indria.

1 Korintus 5:10,11 Sane tuek tiang boyaja sakancan anake sane tan uning ring Widi, tur anake sane cabul-cabul miwah sane loba angkara wiadin anake sane demit-demit, anake sane demen mamaling miwah anake sane nyumbah arca-arca. Yen semeton mapakayun nganehang sakancan anake punika, sinah semeton patut matinggal saking jagate puniki. 11 Nanging sane tuek tiang, inggih punika, mangda sampunang semeton magubugan ring anak sane ngaku anak Kristen, nanging sujatinnya ipun anak cabul, demit, nyumbah arca-arca, seneng ngae pisuna, seneng mapunyah-punyahan miwah demen mamaling. Arepa ring anake sane kadi asapunika, sampunang pisan-pisan semeton maajengan sareng-sareng ring ipun.

1 Korintus 6:9,10 Sampun janten semeton uning mungguing anake sane jaat punika nenten jaga ngrasayang kawiryan Pamrentahan Ida Sang Hyang Widi Wasa. Sampunangja ngapus ragan semetone niri! Anake sane corah, anake sane nyumbah arca-arca, anake sane demen mamiltra, anake sane masanggama paturu muani, 10 anake sane demen megal, anake sane loba angkara, sane demen mapunyah-punyahan, sane demen ngae pisuna, sane demen mamaling, ipun sami tan pacang ngrasayang kawiryan Pamrentahan Ida Sang Hyang Widi Wasa.

1 Korintus 10:6 Paindikane punika, makasami dados conto buat iraga, buat mapakeling iraga, mangda iraga sampunang jaga ngedotang paindikan-paindikan sane tan patut, pateh sakadi sane kalaksanayang antuk leluur iragane nguni.

1 Korintus 12:31 Duaning punika usahayangja ragan semetone mangda pada polih paica sane pinih utama. Paica sane pinih utama, inggih punika, sakadi sane menggah ring sor puniki.

1 Korintus 14:39 Punika awinanipun parasemeton, usahayangja ragan

semetone mangda polih paica midartayang pawisik Ida Sang Hyang Widi Wasa, nanging semeton sane mabaos antuk basa sane tawah-tawah sampunang tombahanga.

2 Korintus 9:5 Punika awinanipun tiang marasa perlu ngenken semeton-semetone puniki mamargi dumunan, buat nadabang padana sane sampun janjiang semeton punika, mangda rikalan tiange rauh, padanan semetone sampun sedia. Tur indike punika jaga nyinahang, mungguing padanan semetone punika mula saking suka lila, tur boyo saking pepaksan.

Galatia 5:16-20 Atur tiange sapuniki! Banggayangja Ida Sang Roh nuntun urip semetone tur sampunangja semeton ngulurin indriane sekala. 17 Santukan pakitan indriane sane sekala punika matungkasan ring pakarsan Roh Ida Sang Hyang Widi Wasa, samaliha pakarsan Roh Ida Sang Hyang Widi Wasa taler matungkasan ring pakitan indriane sekala. Makakalih punika mula mameseh. Indike punika mapiteges, mungguing semeton tan dados sakama-kama ngamargiang sapakitan semetone. 18 Yening semeton katuntun antuk Roh Ida Sang Hyang Widi Wasa, semeton tan kantun kareh antuk Pidabdab Torate punika. 19 Indik parisolah indriane sekala punika sampun terang pisan. Inggih punika: macecabulan, nglaksanayang paindikan-paindikan sane cemer, ngulurin indria, 20 nyungsung arca, ngiwa, mameseh-mesehan, masogsag, iri ati, mamedih, ngulahang dewek padidi, maiegan, tansah ngae sogsag,

Galatia 5:24 Tur anake sane dados druen Ida Sang Kristus Yesus, anake punika sampun amati raga miyah amati saluiring pakitan indriannyane sekala.

Epesus 2:1-3 Sane riin semeton sampun padem sacara rohani malantaran dosa miyah pamargin semetone sane nyapa kadi aku. 2 Daweg punika semeton malaksana satinut ring silakraman jagate sane corah; semeton pada satinut ring kakuasan sane ngreh akasane, inggih punika kakuasan sane ngreh anake sane nyapa kadi aku arepa ring Ida Sang Hyang Widi Wasa. 3 Sawiaktinne sane riin iraga sareng sami taler pateh kadi asapunika, sadaweg iraga kantun urip ngulurin indriane sane kaon, tur ninutin pepinehe sane corah. Punika awinanipun sapatutnya iraga taler keni pamidukan Ida Sang Hyang Widi Wasa, pateh sakadi anake tiosan.

Epesus 4:19 Ipu tan pisan maderbe kimud, samaliha tan wus-wusan malaksana corah saha ngulurin indriane sane cemer.

Epesus 4:22-27 Punika awinanipun semeton patut ngutang kamanusane sane lawas, inggih punika sakancan laksanan semetone sane sampunsampun, sane sampun kasengkalen antuk indriane sane paling. 23 Sehinja tungtung ati miyah pakayunan semetone mangda dados anyar. 24 Rangsukja kamanusane sane anyar, sane kakardi manut gambar Ida Sang Hyang Widi Wasa, sane kasinahang sajeroning urip sane sujati,

inggih punika sadu tur suci. 25 Duaning asapunika, sampunangja semeton malih mogbog! Semeton suang-suang patut mabaos amun sujatinipun ring pantaran semetone, santukan iraga puniki dados anggotan ragan Ida Sang Kristus. 26 Yening semeton duka, sampunang kantos ngawinang semeton madosa. Samaliha sampunangja duka kantos surup surya. 27 Sampunangja icena Ratun Setane kantos polih jalaran.

Epesus 5:3,5 Santukan semeton dados parakaulan Ida Sang Hyang Widi Wasa, indik macecabulan wiadin paindikan sane cemer wiadin loba angkara tan pisan patut kabaosang ring pantaran semetone. 5 Semeton patut eling ring indike puniki: Sakancan sundele, sakancan jadmane sane cemer, wiadin sane loba angkara (santukan indike punika makasami mapiteges nyungsung dewa-dewa) nenten kalugra dados kaulan Ida Sang Kristus miwah kaulan Ida Sang Hyang Widi Wasa.

Kolose 3:5 Punika awinanipun semeton patut ngamademang indrian jagate, sane ngwawa semeton, minakadinipun: macecabulan miwah saluiring indria sane cemer, pepineh sane kaon, samaliha loba angkara (santukan loba angkara punika mapiteges nyungsung dewa-dewa).

1 Tesalonika 2:5 Semeton sami sampun pada uning, mungguing rauh tiange ring pantaran semetone boyaja kadulurin antuk baos nyunyur manis wiadin ngambekang kamomoan sane saruang tiang; indike punika Ida Sang Hyang Widi Wasa makasaksi.

1 Tesalonika 4:3-7 Sane kakarsayang antuk Ida Sang Hyang Widi Wasa, inggih punika: mangda semeton suci nirmala tan pateleteh. 4 Semeton suang-suang patut uning, ring indik ngambil rabi manut ring tatakrama sane suci tur mulia, 5 boyaja malantaran ngulurin indria sane cemer, sakadi parisolah anake sane tan pagama, sane tan uning ring Ida Sang Hyang Widi Wasa. 6 Sajeroning paindikane puniki, sampunang kantos wenten anak sane malaksana tan patut wiadin ngapus semetonnyane. Sane riin indike puniki sampun baosang tiang miwah sekenang tiang pisan ring semeton, mungguing Ida Sang Panembahan jaga nyisipang anake sane malaksana tan patut sakadi asapunika. 7 Ida Sang Hyang Widi Wasa sampun ngesengin iraga boyaja buat nglaksanayang paindikan sane cemer, nanging mangda iraga urip suci nirmala.

1 Timotius 3:3,8 Ia tuara patut mapunyah-punyahan wiadin enggal pedih, nanging patut darma muah demen nameang anak; buina tusing kuduan teken pipis. 8 Parapangancang pasamuane patut masih anak ane masolah melah muah jujur; ia patut tusing katagihan nginum anggur wiadin loba.

1 Timotius 6:9,10 Nanging anake ane makeneh dadi sugih, ia suba kena gegodan muah kaliput baan indriannyane ane jugul muah tan papuara, ane ngranayang ia nemu sengkala gede. 10 Sawireh kuduan teken pipis

dadi kawit sakancan kadursilane, liu anake ngadokang dayane buka keto, kanti ia pada lempas uli kapracayannyane teken Ida Sang Kristus tur ngenyagang kenehne baan makudang-kudang duhkita.

- 2 Timotius 2:22 Kelidinja indrian masa trunane, usahayangja dewek ceninge buat ngulati kadilan, kapracayan, kapitresnan muah dame, bareng-bareng ajak anake ane nunas pitulungan teken Ida Sang Panembahan aji keneh ane ening.
- 2 Timotius 3:2 Anake lakar pada ngulahang dewekne padidi, loba, kuduan teken pipis, ngagu muah nguluk-uluk. Anake lakar pada misunayang timpal-timpalne, langgana teken meme bapanne, tusing bisa nampi legan anak muah murang agama.
- 2 Timotius 3:6 Uli di pantaran anake ane buka keto, ada ane nylebseb macelep mulih-mulihan, laut mrentah luh-luhe ane tunaan pageh pepinehnyane, ane mondong dosa-dosanne kanti seed muah kaliput baan sakancan indriane,
- 2 Timotius 4:3 Lakar ada masanne anake tusing lakar nyak madingehang paurukan ane sujati, nanging ia pada lakar ninutin kitannya newek, buina ia lakar ngalih guru-guru buat ngurukang paundukan-paundukan ane demenina madingehang.

Titus 2:12 Sih pasuecan Idane ento mituduhang iraga, apanga iraga ngutang idup ane tan pawidi muah saluiring indriane ane sekala, buina apanga iraga ngeret budi, jujur muah astiti bakti teken Ida Sang Hyang Widi Wasa di gumine ene,

Titus 3:3 Sawireh ane malu iraga mamuduh, tusing ngidepang munyi muah murang laku. Iraga demen ngulurin indria muah kawiryan. Iraga mabikas corah muah setata iri, buina saling gedegin.

Ibrani 13:5 Sampunangga semeton kuduan ring jinah, tur puputangga ragan semetone antuk paindikan sane sampun druenang semeton. Santukan Ida Sang Hyang Widi Wasa sampun ngandika kadi asapuni: "Ulun tusing taen lakar ngutang kita; kita tansah lakar runguang Ulun."

Yakobus 1:14,15 Nanging jadmane punika keni gegodan, yening ipun kapaid tur keni kajeet antuk indrianipune sane corah. 15 Raris indrianipune sane corah punika mobot tur ngembasang dosa, samaliha idosa punika, yen sampun tutug wulannipune rariss ngembasang pati.

Yakobus 4:1-5 Napike sane ngranayang sogsag lan paiegan ring pantaran parasemetone? Boyake wetu saking indria sane saling tembung sajeroning angen parasemetone? 2 Semeton ngedotang satunggiling barang nanging tan prasida polih. Raris semeton sregep jaga ngamatiang anak. Semeton banget pisan edot ring satunggiling barang, nanging taler nenten prasida keniang semeton barang sane buatang semeton punika, rariss semeton ngawitin saling tembungin raos, tur maiegan. Semeton tan mapikolih punapa-punapi, santukan semeton tan mapinunas ring Ida

Sang Hyang Widi Wasa. 3 Menawita semeton taler mapinunas, nanging semeton taler tan molih, santukan dasar pepineh semetone mapinunas tan becik. Sawetning sane tunas semeton punika pacang telasang semeton buat ngulurin indrian semetone. 4 Ih jero, anak sane tan satia! Punapike parasemeton durung uning, mungguing makakasihan ring jagate puniki mapiteges mameseh ring Ida Sang Hyang Widi Wasa? Duaning punika sapasiraja mamanah masawitra ring jagate puniki, ipun nadosang deweknyane meseh Ida Sang Hyang Widi Wasa. 5 Sampunang pitaenanga tan paguna kecap Cakepan Sucine sane kadi asapuniки: "Roh sane kagenahang sajeroning padewekan iragane, antuk Ida Sang Hyang Widi Wasa, kabekin antuk kameledan sane banget pisan."

- 1 Petrus 1:14 Sairingja ring sapakarsan Ida Sang Hyang Widi Wasa, sampunangja semeton ngulurin indrian semetone sakadi duke semeton durung uning ring pakarsan Idane.
- 1 Petrus 2:11 Inggih parasawitran tiange, tiang nunas ring semeton, sane pinaka dados wong pendonan miwah wong pararudan ring jagate puniki! Edohangja ragan semetone saking sakancan indria, sane tansah matetungkasan marep ring jiwan iragane.
- 1 Petrus 4:2-4 Duaning asapuniка ngawit saking mangkin sapanglanturipun semeton patut urip ninutin pakarsan Ida Sang Hyang Widi Wasa, boyaja urip kareh antuk indrian semetone. 3 Ring masa sane sampun lintang semeton sampun cukup ngamargiang paindikan sakadi sane kalaksanayang antuk anake sane tan pracaya ring Ida Sang Hyang Widi Wasa. Duke punika semeton sampun urip sajeroning paindikan sane cemer, ngulurin indria, mamunyah, masuka-sukan, mapesta-pestayan, tur nyungsung dewa-dewa sane tan patut kasungsung. 4 Sane mangkin anake sane tan nyungsung Widi punika angob, mungguing semeton tan aor malih sareng ipun sajeroning laksana sane tan patut, punika awinannya ipun misunayang semeton.
- 2 Petrus 1:4 Masrana punika Ida sampun maicayang ring iraga panugrahan sane agung miwah luih pisan, sane sampun janjiang Ida, mangdane malantaran panugrahan punika semeton prasida luput saking panca wisayan jagate, sane ngranayang sengkala. Samaliha mangda iraga molih urip sakadi kawentenan Idane.
- 2 Petrus 2:3 Sajeroning loba angkaranipune, guru-guru palsune punika jaga nguluk-uluk semeton masrana antuk satuanipune sane puyung. Nanging sampun saking sue ipun cumawis pacang keni pasisip tur Ida sane pacang nyirnayang ipun sampun tragia.
- 2 Petrus 2:9-19 Ida Sang Hyang Widi Wasa wikan kadi asapunapi patutipun ngluputang anake patut saking gegodan sane nibenin ipun, tur kadi asapuniка taler Ida wikan nyangcang jadmane sane dursila buat kasisipang ring Rahina Pangadilane, 10 minakadinipun pisan jadmane

sane ngulurin indrianipune sane cemer miwah nganistayang kakuasan Ida Sang Hyang Widi Wasa. Guru-guru palsune puniki sujati ngagu miwah sumbung pisan, samaliha ipun langgana ring daging suargane sane luih saha ipun nganistayang Ida. 11 Yadiastu paramalaekate luihan miwah langkungan kawisesannyane katimbang ring guru-guru palsune punika, paramalaekate punika nenten nganistayang guru-guru palsune punika ring ayun Ida Sang Panembahan. 12 Nanging guru-guru palsune punika, tan bina sakadi sato sane tan madue pepineh, sane lekad wantah buat kejuk tur kapademang, ipun nganistayang paindikane sane tan uningin ipun. Ipu pacang kabasmi sakadi satone punika. 13 Ipu pacang nemu sangsara makapikolih kacorahanipune nyangsarain anak lianan. Sane dados kalianganipune, inggih punika ngulurin indria rikala rahina. Ipu jaga dados paindikan sane ngranayang kimud miwah santul, yening ipun sareng-sareng mangan nginum ring pantaran semetone, saha ipun tan maren ngulurin indrianipune sane corah. 14 Matanipune kaliput antuk indria mamitra, tur ipun tan wadih-wadih ngardi dosa. Ipu mikatin jadmane sane onyah-anyih, samaliha ipun sampun ririh ring paindikan lobang angkara. Ipu sampun keni temah Ida Sang Hyang Widi Wasa. 15 Ipu sampun lempas saking margi sane patut tur sampun kasasar, tur ninutin margin Dane Bileame, okan Beor, sane kuduan ring upah pakaryan danene sane corah, 16 kantos Dane Bileam sampun polih panglemek sane banget pisan malantaran dosa-dosan danene. Kuda pondongan sane bega punika, mabaos sakadi manusa, tur nyadelin pamargin danene sane lipia ring raga punika. 17 Guru-guru palsu punika tan bina sakadi klebutan toya sane sampun etuh, tan bina sakadi ambune kampehang angin baret. Ida Sang Hyang Widi Wasa sampun nyediayang genah sane peteng dedet pabuat ipun. 18 Ipu sampun ngucapang baos sane sumbung tur puyung, tur ngadokang indrianipune sane cabul buat mikatin jadmane sane wau matilar saking pantaran anake kasasar. 19 Ipu ngakuang anake lian kabebasan, nanging ipun newek dados panjak parisolahipune sane pacang ngawinang ipun winasa. Santukan anake mula dados panjak anake sane ngaonang ipun.

- 2 Petrus 3:3 Minakadinipun pisan semeton patut uning, mungguing ring masa sane pamuput jaga wenten anak rauh, anak sane tansah kareh antuk indrianipune. Ipu jaga minjulin semeton,
- 1 Yohanes 2:15-17 Sampunangja semeton nresnain jagate wiadin saluiring sane wenten ring jagate. Yening semeton nresnain jagate, semeton tan madue astiti bakti ring Ida Sang Aji. 16 Saluiring paindikan sane dados dreben jagate, inggih punika saluiring paindikan sane kadotang antuk sikian iragane sane madosa, saluiring paindikan sane dot katonton miwah kadotang, samaliha saluiring paindikan sane kasumbungang antuk imanusa makasami, paindikane punika boyaja saking Ida Sang Aji

kawitnyane, nanging saking jagate. 17 Jagate miwah saluiring paindikan sane wenten ring jagate, sane kadotang antuk manusane, punika makasami pacang sirna, nanging anake sane ngamargiang pakarsan Ida Sang Hyang Widi Wasa, ipun urip salami-laminnya.

Yudas 1:11 Ambate ageng sengkalanipune! Ipu sampun pada ninutin pamargin Dane Kain. Mangda polih kasugihan, ipun sampun ngardi kacorahan sakadi Dane Bileam. Ipu sampun pada momo angkara sakadi Dane Korah, tur ipun taler sampun kasirnayang sakadi Dane Korah punika.

Yudas 1:15-19 lakar nibakang tetepasan teken sakancan manusane, lakar nyisipang sakancan anake dosa, ane murang agama, majalaran laksanannya ane corah muah pangucapnyane ane langgana teken Ida Sang Hyang Widi Wasa." 16 Anake puniki tansah ngamigmig miwah ngiwangang anak lianan; ipun ngulurin indriannyane sane corah. Ipu sompong miwah demen ngajum-ajum anak lianan, mangda ipun prasida polih paindikan sane edotang ipun. 17 Elingangja duh parasemeton tiange! Elingangja paindikan sane riin sampun kapidartayang ring parasemeton antuk parautusan Ida Sang Hyang Yesus Kristus. 18 Dane sampun mabaos ring semeton asapuniki: "Rikala masane sane pamuput sampun rauh irika pacang wenten anak rauh, sane pacang melog-melog semeton, inggih punika anak sane ngulurin indriannyane niri sane murang agama." 19 Anake puniki sane ngawinang sagsag ring pantaran semetone, ipun kareh antuk indriannyane niri, santukan ipun tan kalingganin antuk Roh Ida Sang Hyang Widi Wasa.

Wahyu 18:14 Parasudagare punika mabaos ring ipun sapuniki: "Sawatek barang-barang ane melah ane demenin ragane suba ilang, tur sawatek kasugihan muah kajegegan ragane masih suba ilang, tur tusing bakal buin tepukin ragane!"

**Pastor T. John Franklin
Church of Salvation, Healing, and Deliverance
COS-HAD.org**